


戶部倉庫錢糧



戶部卷之七

倉庫

典章二十一



至元新格諸出納之法須倉庫官面視稱量檢數自提舉
監支納以下攢典合干人以上皆得互相覺察有盜詐違
法者陳首到官量事理賞其有侵盜錢糧并濫偽之物若
犯人逃亡及雖在無財可追者並勒同界官典司庫司倉
人等一體均賠

諸支納錢糧一切官物勘合已到倉庫應納者經十日不
納應支者經一月不支并須申報元發勘合官司隨即理
會其物已到倉庫未得勘合者亦如之

諸官物出給先儘遠年其見在數多用處數少不堪久貯者速申當該上司作急支發毋得損數違者究治

諸路收受差發自開庫日為始本路正官一員輪番檢察並要兩平收受隨時出給官戶朱鈔無使刁蹬傳留人難諸州置庫去處並同

諸倉收受米糧並要乾圓潔淨當該上司各取其樣驗同封記付本倉收管一於當司存留仍須正官時至檢校

其收支但與元樣不同隨即究治應備運者此驗樣料相同裝發其至下卸亦驗樣料相同交收

諸庫藏并八作司所收物內其有名數而無用者開申合干部分勘驗是實委官檢估出賣無人買者量宜支遣不

致損敗

諸倉庫錢物監臨官吏借侵使者以盜論與者其罪同若物不到官而虛給朱鈔者亦如之仍於倉庫門首出榜常

川禁治

諸倉庫局院踈漏速申修理霖雨不止常須檢視隨宜備禦不致官物損壞若收貯不如法防備不盡心曝晒不以時致有損敗者各以其事輕重論罪所壞之物仍勒賠償諸倉庫局院九關防搜檢巡宿禁治事理其當該上司正官每月分輪點視常須謹嚴無致弛廢

諸倉庫官新舊交代在都本官上司委官監視在外各路

正官監視直屬省部州府亦同汾河倉分漕運司官監視凡應干收支文憑合有見在官物皆須照筆交點明白別有短少濫偽之數舊官具數開發新官驗數收管仍須同署申報合屬上司照會既給交關之後若有短少濫偽之物並於新官名下追理

關防錢糧事理元貞二年七月湖廣等處行中書省准中書省咨先據御史臺呈至元三十年九月二十一日奏准錢糧久少底人每根脚裏錢糧裏提調來底官人每錢物追不足呵解由休與者別个勾當裏休交遷轉錢糧幾時追足了呵他每底解由文字那時節交與者遷轉委付

等事欽此照得元貞元年五月內欽奉

聖旨節該今後不揀那个大小提調錢糧的別个不揀誰休借要係官者只般道了呵借要的人每年月滿呵算計全交了呵與解由文字者勾當裏也休委付者道來欽此又於元貞元年七月二十五日欽奉

聖旨條畫內一款所在倉庫親臨上司提調正官每季分輪計點但有短少隨即究問追理違期不點或許點不實者量事輕重斷罪任滿之日凡錢穀交割不完照依已降

聖旨事意施行欽此擬定提調官姓名移咨各省欽依施行及劄付戶部通行合屬所設倉庫去處委自達魯花赤長官

不妨本職專一提調所收錢糧如法收損不致損壞失陷仍令正官收掌倉庫鑰匙凡有收支逐物旋關納仍令提調官輪番赴庫牽照一切勘合文憑比對赤歷單狀計點實有見在但有侵欺短少即將當該庫官庫子人等監鎖追賠若提調官不為用心有失關防計點不實但有短少損壞取明白招伏欽依所奉

聖旨事意施行去後切恐各處提調正官因循有失關防都省除已差官前去咨請取各處提調正官即日如何設法關防開具咨來准行

行用圓斛至元二十九年御史臺咨照得至元二十年四

月十六日准御史臺丞牒官司所用斛檻底狹面闊吏卒收受緊量之際輕重其手弊倖多端比宋行用文思院斛腹大口狹難於作弊今可比附式樣成造新斛頒行天下此不可但施於官至於民間市肆亦合准官斛製造庶使奸偽不行實為公私兩利准此五月二十五日

御前看過新斛樣製欽奉

聖旨是有說的有休例交只般行者欽此呈奉中書省劄付令工部造到圓斛一十隻較勘相同每處擬發斛樣一隻咨發各處行省宣慰司依樣成造較勘印烙發下合屬行用咨請各道察院嚴加糾察施行

收糧鼠耗分例至元三十三年二月中書省為江浙行省
咨擬到租稅帶收鼠耗糧米事送戶部照擬得江南民田
稅石合依例每石帶收鼠耗分例七升內除養贍倉官斗
脚一升內六升與正糧一體收貯如有短折數目擬依腹
裏折耗例以五年為則准除四升初年一升二合次年二
升七合四年三升四合五年共破四升餘上不盡數目追
徵還官若有不及所破折耗從實准筭無得多破官糧外
官田帶收鼠耗分例若依行省折擬比民田減半每石止
收三升五合却緣所破折耗糧米如五年之上已是支破
五升切恐侵破正糧擬合每石帶收鼠耗分例五升相應

得此議得除民田稅石依准部擬外擬官田擬依行省所
擬減半收受咨請依上施行

倉糧對色准筭元貞元年二月

行御史臺准

御史臺

咨來咨江南浙西道廉訪司申計點出嘉興松江等處倉
短少附餘糧數乞議擬本臺照得近據淮西江北道肅政
廉訪司申開坐到點出廬州路軍諸倉庫短少附餘各色
糧數看詳一倉各處互有增短合行通行准筭呈奉 中
書省劄付送戶部照擬得上項短少附餘糧斛除小麦外
捷梗米雖然各放收貯終是一倉互相增短各依御史臺
所擬對色准筭餘有短少梗米小麦數目移咨着落本界

倉官人等追徵還官相應都省准擬除有失短少粳米等
行下追理外仰照驗承此除外今准前因咨請依上施行
仍將准算不盡對色附餘糧數行移有司別項作數支發
准此

餘糧許糶接濟大德三年八月行臺准 御史臺咨先奉
中書省劄付江浙省咨大德二年九月十一日准中書省
咨

奏過事內一件節該腹裏百姓每幾處缺食更蝗虫生發百
姓飢荒商量預備糧米如今休教納錢稅糧全教納米麥
者行了文書也奏知麼道說將來有俺商量來伴當每的

言語是的一般有奏呵奉

聖旨那般者欽此本省照得見在糧斛除支持外餘上糧數即
目正是青黃不接之際各處物斛湧貴百姓艱糶合無斟
酌出糶接濟貧民不致失所都省除已移咨江浙行省除
支持糧斛外餘有糧數照依各處目今實直市 挨陳出
糶接濟貧民仰行下合屬體察施行

毋擅開收稅糧江西行省劄付准 中書省咨自今已後
但有開收田土租稅須要咨稟都省明降然後收除請常
切照勘事今後除水旱災傷已有定例有必合續收田糧
依例申省仍於官倉收貯取無欠通關別具條細緣由繳

申下年作收及有合除糧數亦於下年除豁非奉省府許
准明文毋得擅自開收亦不得開立續收續除明項如違
斷罪追陪

庫院不設棟子大德二年七月 行御史臺據監察呈據
建康路永興庫收受各州司縣人戶大德三年夏稅除合
設庫官庫子秤子攢司外多設棟絲一名秦成取問得本
路照勘卷內行下錄事司於織染局差到上項絲綿棟子
作頭二名下庫勾當看詳腹裏路等設立收差庫子如遇
取受差發總府封記綿絹樣製下本庫依樣取受今建康
路永興庫別設棟子揀選人戶絲綿色樣中間刁蹬情弊

不無若依腹裏路分令建康路選定絲綿色樣用印封記
登下官庫令依樣收受監設棟絲綿高大秦成草去相應
即日止是收夏稅時月其餘路分切恐亦有似此濫設之
人宜邊行禁草憲臺除外合下仰依上禁草

把壇庫子大德八年七月 江浙行省准 中書省咨戶
部呈諸路寶鈔都提舉司備光熙行用庫申依奉上司文
字於本庫兼設平准之法別無存設辨驗金銀成色把壇
司庫合無照依舊例存設把壇司庫二名本部叅詳既將
平准庫革去權令行用庫兼設把壇司庫准除存留一名
與昏鈔庫子相兼倒換外餘者盡行革去如蒙呈其餘各

處行省亦合一体施行具呈照詳得此施行間湖廣行省
咨欽奉

詔書內一款節該金銀開禁聽從民便買賣欽此除欽依外
將所審各處平准行用庫見設把壇庫子草去看詳今後
若後百姓自願赴官庫貨賣金銀照依元定價值差撥銀
匠辨驗收買中間慮恐未便緣係通例咨請定奪都省相
度凡赴官庫買賣金銀者兼用見設司庫照依已定價直
元降對牌收買咨請依上施行

短少糧斛提調官罪名大德七年八月十九日 江西行省
准 中書省咨御史臺呈河東廉訪司申近為太原路去

歲灾傷貧民闕食賑糶大備倉大德三年大德四年米二
萬二千八百石三斗八升令人監視點數得大德三年倉
官郭世忠元報見在米數除已賑糶外短少米四千八百
五十一石八斗七升三合六勺二抄二撮二圭大德四年
倉官郭揖元報現在未除賑糶外短少米七百一十五石
四斗七升八勺八抄五圭取到本路提調官達魯花
赤塔海總管木撒同知六斤等不合不行親臨仔細計點
以致今次出糶短少上項米數招伏除另催督追徵外本
臺看詳達魯花赤塔海等所招合令合干部分定議外據
總管木撒回二人氏不識漢兒文字使任掌判正官專一

提調錢糧累次短少失陷取招罰俸習以為常恬然不顧難任牧民長官擬令依例斷罪選官

奏代具呈照詳送刑部議得達魯花赤塔海總管木撒同知六斤所招俱係提調正官親臨本府倉庫不行依例每季計點以致短少官糧五千餘石情罪擬合依例各決三十下標注過名外據總管木撒回二人不識漢字提調錢糧累次短少罰俸難任牧民長官一節合從御史臺所擬相應都省准擬除已差官詣彼與本道廉訪司一同斷決外咨請通行照會施行

義倉

設立常平倉事至元十九年御史臺咨奉 中書省劄付

至元八年

奏准隨帶常平倉收糴糧斛欵此劄付戶部行下合屬驗每月時估以十分為率添答二分常用收糴委各處正官不妨本職提點並不得揜配百姓近年以來有司滅裂加之勢要人等把柄行市積塌收糴侵公害私除別行禁約外都省今擬依舊設立用官降一樣斛檻升斗驗各處按月時估依上添答價直常川收糴畫便支價並無減尅貧家闕食者仰令依例出糴委自本處正官不妨本職提調據

合設倉官攢典斗脚就於近上不作過犯內公同選差除免各戶雜役仍按月將先發價鈔已未收糴支納見在數目開坐申部呈省除劄付戶部各路宣慰司依上施行外慮中間作弊仰行移各道按察司體察施行

義倉驗口數留粟延祐元年五月 江西行省准 中書

省咨大司農呈皇慶二年七月二十一日奏

世祖皇帝時分每一社立義倉好收呵各家每口留粟一斗無粟納雜色不收呵却與他每食交廉訪司管民提調整治省行呵遇省凶年百姓每得濟的一般奏呵奉

聖旨那般者欽此具呈照詳送據戶部呈檢會到至元七年二

月內欽奉

聖旨條畫內一款節該乙每社立義倉社長主之如遇豐年收成去處各家驗口數每口留粟一斗若無粟抵斗存留雜色料以備儉歲就給各人自行食用官司並不得拘檢借貸動支經過軍馬亦不得强行取要社長明置文歷如欲聚集收頓或各家頓放聽從民便社長與社戶從長商議如法收貯須要不致損壞如遇天災凶歲不收去處或本社內有不收之家不在存留之限欽此除遵依外今奉前因本部議得大司農司呈每社設立義倉豐年蓄積儉年食用擬合欽依通行相應都省咨請欽依施行

錢糧

收

贓罰開寫名件至大元年閏十一月袁州路承准 江西

廉訪司牒准總司牒近據書吏王祚呈總房專一掌管贓

罰錢物數目不為不重責付龍興府庫收貯少失鈐束誠

恐作弊埋沒係官錢物呈乞施行得此委奉差郭天錫鈐

東各房管行貼書經手庫子攢典將贓罰文卷查勘到省

前至大元年十月十五日終應收贓罰鈔物數目除已起

解數目相同外照到合年事件呈乞照驗得此除逐一照

勘施行外於內查照出爭差鈔數切詳分司出巡各路公

事繁冗收鈔別無定規止是責付隨路庫子州縣人吏附簿不過標附某人納鈔若干分司但見數目相同而已致使名項不同今後莫若行移各處分司通行各路相應收錢物須要明白開寫路分官吏人等備細年分事頭鈔兩數目仍將緞疋等物照依續降事蹟依式供報庶使將來易於查照當司牒請依上施行准此今後將體式開坐前去牒可照驗今後應收贓罰錢物依上明白開寫牒呈

一緞疋布帛等項須要幾疋零者幾緞每疋長若干每緞長若干

一鹽贖見幾件幾袋計斤重若干

一絲絹麻 須要見斤兩

一金銀若有帶物者須要是帶何物共帶若干其金銀是何名色

一珠子須要見大小顆數分兩或帶他物者計幾顆帶何物共重若干

一糧斛須要見石斗升合

一屋宇田地山林池塘須要見間座條段頃畝

一孳畜馬稱疋牛稱隻驢稱頭猪羊稱口雞鶩皆稱隻

官錢不收軟鈔延祐三年二月行省准 中書省咨江西

福建道使宣撫呈會集江西省官廉訪司官一同講議事

內一件官錢不收軟鈔事累奉上司行下鈔在務在流通
毋致澁滯今來酒稅務賑糶官糧折收輕贖官府一應贓
罰錢物及鹽場茶局並要交收好鈔其通使市鈔中間但
有分毫損軟刁蹬不與收受於民甚不便當合無令酒稅
務鹽場茶局賑糶官糧折收輕贖官府一應贓罰等項鈔
兩雖是損軟但有貫伯分明邊欄可驗者與民一體行用
商賈市民俱各益利議得鈔法頒行乃

國之大計務要流通以便民用但有軟爛官不收受民間何
以流轉以致鈔法澁滯交易不便檢咨行省合令各處應
收諸色課程如係可以行省者即與受納具呈照詳得此

送據戶部呈參詳上項課程等鈔如是堪中支持依例收
用相應具呈照詳都省咨請依上施行

科徵包糧延祐七年 月 日江西行省准 中書省咨

文內一件腹裏漢兒百姓無田地的每一丁納兩石更納
包銀絲綿有江南無田地人戶是甚差發不當各投下合
得的呵哈探馬兒官司代支也不曾百姓身上科要好生
偏負一般俺衆人商量來便待依着大體例丁糧包銀絲
綿全科呵莫不陟峻麼如今除與人作佃傭作賃房居住
日起生理單丁貧下小戶不科外但是開解庫鋪席行船
做買賣有營運殷實戶計依腹裏百姓在前科差包銀例

每一戶額納包銀二兩折至元鈔一十貫本郊官司驗各家物力高下品答均科呵怎生奏呵奉

聖旨依着您衆人商量來的行省欽此每五月十一日為頭開庫收受納足通行起解將科撥包銀數目令當該掾史馳驛資咨發來呈報

支

職役人關錢物至元二十年御史臺咨奉 中書省劄付

據戶部呈照得樞密院御史臺宣徽院等支用錢物浩大

其差到人員多係無職役不知義理之人或令關錢人自

來關支誠恐中間詐冒本部看詳今後應支錢物擬合差

委有職役信實人員資印信文憑於本部總關前去於各

衙門官員當面給散乞明降事得此都省准呈施行

考計收支錢物至元二十二年湖廣等處行省契勘考計

財賦自有常制催辦給受各有等務近為湖南等處收支

體例不一已下各處改正多支數目追徵還官外今准中

書省咨照勘到本省所轄去處攢造到至元十九年錢糧文冊體例不一請依腹裏一體照勘通行造冊咨來省府擬議區處前去仰依坐去事理若各官任內給授有法無損官物委有廉能實跡於解由內開寫備咨都省量加優用如不以官物為念但有侵損失陷追賠依上移咨出降施行毋得違錯

一應收課程出產茶引引價贖物等名項係官錢物本管官司依例科徵發下合屬明置文簿編立號數出給憑照開寫是何年分甚名項錢物若收金銀須見成色足帛須要各色端足托數如法收貯稱

時曝曬不致損害聽候起運

一應支官物當該官吏照勘常例委有奉到上司許准明文開寫始末備細料理體覆相應先儘官有見在然後圓押勘合行下合屬擬定於是何錢內責令給付無致互相動支別項錢物如無許准文字毋得擅自放支分文錢物

一仰各處置立文簿編寫收支體例常加檢舉另置收辦鄉貢出產官房田土牛馬租課等係官之物文簿仍呈行省照驗

一各設倉庫照勘舊管新收已支見在名項數目每旬

一次申覆本管上司每月一次備申宣慰回每上
下半年開呈省府仍仰各倉庫每季依上結附赤
歷申解上司印押

一收支官錢各處專委首領官一員并選通書筆廉潔
人吏掌管置定簿籍以備年終照用委定首領官
人吏毋得擅自差故

一申除懸在錢物仰依已行照勘元奉許支各項科例
體覆相應依例除破若有不應支或有侵欺移易
借貸立限追徵還官合得罪犯量情究治

一另項寄收錢物每季開寫舊管收支見在各項開呈

省府

一今後應起運錢糧諸物合用打角木柜繩索須要牢
壯一就開申另項收貯就用無致重冒支破

至元新格諸應支錢糧腹裏路分皆憑省部勘合理筭具
有申准有申准諸支應倒除者每季照勘所支應目抄連
合用文憑檢校一切完備須要不過次季仲月中旬開申
合於部分照勘相應隨即除破各處行省所轄路分應申
倒除者准此

又諸錢糧等物戶部立式其使諸處每季一報到部委官
檢較但有不應隨即追理年終通行照筭務要實行毋為

文具行省准上咨省

歲終季報錢糧至元三十年行臺御史史臺咨淮安廉訪司檢會到至元新格內一款請照筭湏勾人吏者皆當官置局自入局為始各以文字大小斟酌立限每五日考其次第了則隨即發還其攢報有常收支有例可以立式取勘者不湏勾攝人吏赴都諸司於所屬亦准此近准淮安路行卷內照得每季蒙宣慰司勾攝本路司吏送報錢糧文字宣慰司令史乘坐站船支取飲食分例就将各路司吏赴省比及回還次季文字湏要差人依限供報并年終通行考較計往復四次則是上下應管錢糧今史一歲之

間殆無寧日所掌事務何由辦集况府吏赴司緊管州縣當該司吏必須津貼盤費未免椿配里正主首科歛及民又往來勾追之人需索搔擾為害非一當司叅詳錢糧文字既有定式若令各路每季入進中報宣慰司類呈省府年終各道首領官將引令史赴省通行考較庶幾公事各不相妨吏民稍得安帖准此看詳若准分司所言便益呈奉 中書省准擬施行

買物先支七分大德元年六月江西行省為修葺官舍和買諸物於支錢糧等事省府議擬自今後本路但有造作合用物料并和買諸物本路估體價錢相應先支價錢七

分申省照會餘上價錢造作和買完備令不干碍官司覆實別無虧官損民抄錄堪准文憑保結申省貼支同先支價錢通行申除據此

准除錢糧事理大德元年七月湖廣行省照得近准中書省咨戶部呈考較課程照筭收支錢帛定奪科差戶額行下各處摘委提調正官首領官照勘一切文憑據照完備比及年終須要倒除了畢若違限或限內到來但有文憑不完將差來人吏痛行斷罪局散別議及將元委首領官擬決二十七下任滿降等任用正官取招擬決標注過名解由內開寫劄付本部依上施行咨請照依年例摘委

正官首領官各一員監督當該令史置局照筭據憑查勘一切完備依式攢造備細文冊令知首尾令史管限次年八月終赴都准此續准中書省咨御史臺呈行省年例照勘錢糧送戶部照擬得合與腹裏一體將本省所轄去處但奉上司文字及各路關文應副軍人行糧工匠口糧及造作遞運和顧和買錢帛等各項年終差撥人吏賣所支數抄連許支并下倉庫勘合關錢糧人收管一切文憑於上使訖關防條印令照筭人吏賣回就分付各倉收貯照勘相應劄付各處依上施行

錢糧數目以零就整大德十一年正月江浙行省據本省

檢校官呈會驗近奉省府劄付准 中書省咨戶部呈中
統寶鈔以貫為兩以十文為分已下別無厘鈔至元寶鈔
貫至五貫為止子母相收通行流轉今照得各道宣慰司
隨路官府各衙門申關遇有收支多係中統寶鈔往 照
依物價分例扣算至有分以下厘毫絲忽微塵不惟紊繁
實是虛文而已擬自今後凡有收支物折中統寶鈔積算
到總數若至五厘收作一分五厘以下削去如至元寶鈔
若至五毛收作一厘五毛以下亦以去除都省准呈請依
上施行除外今校校各處申呈一應收除錢糧卷宗內往
往紐折物價於厘毫之下復有系忽微塵抄撮圭粒等數

不惟虛繁數目抑且文繁宜從省府再行合屬照依元行
事理去零就整庶望事體歸一不致虛繁今據見呈仰照
驗施行

數目去零至大三年三月江西行省准 尚書省咨照得
數目去零前省累嘗通行照會今次報到木糧文字往往
不行去其零數致使文繁妨碍類總又且虛懸簿書不得
實用為失議得今後至元鈔並以厘為止五毫以上收作
一厘五毫以下削而不用至大銀鈔並以毫為止五系以
上收作一毫五絲以下削去糧斛並以合為正五勺以上
收作一合五勺以下削而不用斤兩並以分為止五厘以

上收作一分五厘以下亦行削去丈尺並以寸為止五分
以上收作一寸五分以下削而不用但凡收支數目文字
當該首領官並要依上照勘無差應報如是似前不行去
零妨碍類總定是取招究治都省咨請依上施行

擬支年銷錢數至元五年四月二十三日 中書省左三
部擬隨路中統四年八月至元二年七月終二周歲年銷
祇應除將勘當定奪錢物行下各路勘當圓備別行呈覆
外擬到定例名項並應支不應支錢物若便行下各路追
徵誠恐未應為此呈奉到 中書省劄付坐到本路年銷
定例擬到每年實合銷用數目該除自中統四年八月為

頭至至元二月七月終本路已支過數目准筭外截自至
元五年為頭已後依准所擬見定數目行下本路照勘驗
數支用却不得因而多破官錢違錯

聖節擬支不過貳定

乙亥日支破香錢等鈔六兩

祭丁每歲祭擬支不過破鈔二十兩

祭社稷神擬支一周歲內不過破鈔二十兩

立春擬支不過破鈔二十五兩

祀風雨雷神一年內不過破鈔一十兩

重午重九拜

天節擬支不過破鈔一十兩

其餘不定盡名項有須合致於者令本路預為申覆

即聽明降

又至元五年八月 中書省左三部據隨路申中統四年

八月至至元二年七月終年銷祇應錢物省部委官分揀

到所支名項類攢總計數目呈奉到 中書省劄付該逐

一區處前去仰依上施行

一項成造信牌彩畫圖本淹葺菜蔬印色心紅并諸各

項雜支今後年銷錢糧內遇有似此名項少者就

支隨即申覆多者預為申稟明文動支亦不得冒

濫支用違錯

一項各當當舖鋪陳什物修補館房解宇酒庫教房成

造儀從置買諸物擬將成造到諸物本路點覷見

數明附文履責領當該人員相公交割無令損壞

散失今後遇有成造修補須合動支錢物少者就

便支遣多者申覆上司點覷預為申覆許支明文

方令支遣無得冒濫支破違錯

一項因糧今後年銷糧內無得支破仰行下合屬申覆

制國用使司於鼠耗內閔支

一項撥還上年祇應不敷借過錢物今後非奉省部照

筭准除支面無得擅自撥還

又中書省戶部近為隨路年銷錢物內擅支破官錢公議到
到下項事理呈奉 中書省劄付逐一區處如後仰就便
行移右三部照驗施行

一脩造館驛廨宇本部叅詳行下各路若須修補添造
計料脩細合該相應實直價鈔保結申奉合干上
司許支明文然後支遣若有緊急須合動支不過
五兩就便支遣隨即申覆等事

前件仰備坐行移右三部行下各路照會依上施行
一各路總管府并所轄州縣當館鋪陳什物今來叅詳

合令總管府并經歷司官州縣官吏典史人等常
切鈐束無得去失損壞如委年深不堪用度申覆
上司聽候明降修造等事

前件仰備坐行下各路照會施行

一起蓋橋樑造船於內有祇應支訖錢物本部別無奉
到省府許令修造明文合令左三部預為定奪施
行

一制國用使司行下各路起運絲料包銀等并成造軍
器等打夾及熟皮紫草價直人匠工糧欵奉

聖旨宣喚法師人等起法衣裳并

諸王位下年例取安皮囊漢軍鷹帽五指等物合該錢數亦應支錢糧內應副本部參詳於差發錢糧內支破以為不致重冒等事

前件除已劄付制國用使司依准本部所呈今後並於差發官倉糧內放支外仰照會施行

一制國用使司右三部勾喚隨路司吏并差人監押罪囚人等及押運係官諸物赴都人俱於年銷錢內支破盤纏本部參詳行下各管官司遇有湏合勾喚定立人數斟酌實住月日擬定合支鈔數呈省許令於是何錢內放支似為相應

前件據押囚人盤纏於差銷錢內支破其勾隨路司吏并押運諸物人員盤纏合于差發錢內應付除劄付制國用使司照勘體例就便施行仰行移右三部如遇勾喚擬定呈省定奪施行

派支各項祭錢見禮部札制門祭祀類

各路週歲紙札大德六年十一月福建宣慰司近為福州汀州路申乞放支週歲合用紙札價錢公事呈奉到江浙行省劄付近據本道呈各路公用紙札移准中書省咨福建道宣慰司呈汀州路申江浙路分每年俱各放支公用紙札價錢福建各路自來不曾放支止是各該人吏自

備今本道併入江浙行省管領理合與浙東道宣慰司並各路一體放支請希咨回示送戶部照擬得江浙省大德三年錢帛冊內已支項下照得池州路公用紙到價錢於本路課程錢內放支中統鈔一十定即與汀州路所擬相同本部參詳隨路年銷公用紙札即係通例合咨本省就便照勘定擬相應部省咨請依上施行使司帥府相度上項紙價即係通例合下仰照驗更為照勘本路合得紙札價錢比照汀州路別無爭懸從大德七年為始於年銷錢內依數放支施行

軍人鹽錢延祐四年正月行省准

中書省咨戶部呈札

部關奉省判奉使宣撫呈會集省官廉訪司官講議軍人鹽錢事廣東宣慰司申照得元貞二年奉江西行省劄付為軍人鹽食都省與各處行省官議得鎮守去處離鹽場三百里之內令軍人自行關取三百里之外依官定價鈔支付願關鹽者聽比照得元貞二年議支軍人食鹽時分每鹽一引官價中統鈔一定二十五兩四錢每鹽一斤該價鈔一錢六分二厘五毛以此各處依例支給在後至大三年每鹽一引添作中統鈔二定延祐元年每鹽一引又添作中統鈔三定其合支軍鹽除近場三百里之內開入食鹽外三百里之外軍人只依元定價鈔每月支給中統

鈔一錢六分二厘五毛叅詳鹽價累次增添合支軍人食
鹽價鈔止依舊價支給今扣筭即目官定鹽價每一引四
百斤價鈔三定每鹽一斤該中統鈔三錢六分九厘二毛
如蒙照依即今官價支給如或不避路途願關鹽者聽從
軍便相應議得軍人月支鹽一斤元貞二年照依時價支
中統鈔一錢六分二厘五毛今一引增價三定每斤已該
三錢六分九厘二毛若依舊例支鈔一錢六分二厘五毛
實為不敷况兼多省元議該願關鹽者聽擬合照依即目
官價支價價錢唯復依依都省元議事理聽從關人關領
本色相應前件照得先奉中書省判送江南行省咨饒州

萬戶府軍人食鹽不敷添支鹽價本部擬依河南行省鎮
守軍人已添鹽價例每斤折支中統鈔二分五分已呈都
省移咨本省放支去訖今准前因本部議得江西廣東道
軍人食鹽添索價鈔與江浙河南行省鎮守軍人一體以
此叅詳合依先擬每斤折支鹽價中統鈔二錢五分相應
具呈照詳得此都省咨請依上施行

應支軍人口糧

見軍務兵糧類

預支人匠口糧見工部造作類

不應支

免追去官不應支錢至元八年五月尚書戶部近奉尚書省劄付追徵游按察擅支典平山縣捕盜官李世能羊酒錢鈔三兩五錢仍取違錯招伏事行據河南河南道按察司申游按察改受水軍副總管萬戶軍前去訖省府議得上項錢數既為捉獲盜賊於停罰俸錢內別職見於軍前不須追徵仰照施行

多支官錢體覆不實斷罰至元二十一年七月行臺據監察御史申屠承事呈承奉行臺劄付該為來呈察知建康路和買造船鉄化貨多支價錢仰照依行省第一次坐下

真州價錢每斤一錢八分八釐餘上每斤多支九分荒鉄每斤多支四分依上追徵數足還官施行仍取本道按察司官當元體覆不實招伏呈臺承此移准江東建康道按察司牒移准副使高承直牒該為省記得卽次建康路總管府牒靖體覆章太等中過鉄價當該書吏覆說依例判送奏差周濟莫元去後回申保結體覆相同請就問元委奏差周濟等便見不實情由然此終是有失察察罪犯招狀是實又准簽事馬奉訓牒該省記得當職自至元二十年十月內差出今年四月內終方還司有當該書吏羅士安覆說准建康路總管府牒為體覆章太等中過鉄價有

副使高承直掌管司事依律判押過奏差周濟莫元體覆當職亦行簽押回據逐人狀申體覆相同保結是實備牒了當然此終是有失覺察招狀是實牒請照驗准此照得元體覆鉄貨奏差除莫元告閑去訖外責得奏差周濟狀稱於至元二十一年三月內蒙使司判送建康路總管府牒文章太等中訖成造鼓見船隻打造釘系爪鉄每斤價鈔二錢七分仰濟從實體覆是否相應呈司事承此濟依奉體問得牙人吳德稱正月分二月分爪鉄每斤時價價鈔二錢七分此此就取訖吳文真重甘結結文狀粘連呈司上當至五月內蒙監察御史將體覆過前項鉄貨止合

於不干碍行人體問却不合元估計牙人吳文真處體覆
招狀是實憲臺議得副使高承值體覆銖貨價錢有失覺
察罪犯若便擬罰却緣先為本官因病告閑今據所招權
且擬免外據簽事馬奉訓所招有失覺察以致中銖人等
多支官錢量罰俸鈔半月奏差周濟體察不實情罪量情
擬決二十七下省會罷役除已行下江東道按察司依上
斷罰

祈雨不得支破官錢見禮部祭禮類

押運

糾察運糧擾民至元二十四年六月 行御史臺咨據監

察御史呈察知饒州路差常治中并司縣官一員裝運米

二萬石前去鄂州支持本路遍勾各縣官吏赴府裝發又

別發印批令各縣每米五百石差上戶一名充押運頭目

勒要訖鈔三百五十餘定才方放還又為起運准兩軍糧

援此為例搔擾百姓除已取訖各縣官典招伏別呈行運

使臺照詳追問外卑職切詳江南稅戶自歸附以來日益

凋瘵除水旱站出牧馬淘金打捕鑿儒諸項占破等戶外

其餘戶計應當重正主首和買和催一切雜泛差役已是

靠損其各路并司縣牧民之官不為用心存恤因緣為奸比比受害若不通行禁治切恐其餘去處亦有此弊深為未便呈訖通行禁治仍令各道按察司糾察施行

請俸人解錢物至元二十四年湖廣行省准中書省咨照得先為各處行省并隨路解納金銀足綿寶鈔諸物到來大都檢覈得多有水濕滛變損壞短少数目蓋是各處押運人員選委不常以致如此都省除外移咨今後起運一切錢物公選能幹靖俸人員同當該庫官人等如法打角管押前來大都交納毋致上漏下濕如是到來但有滛變損壞短少数目着落差來人員追賠再行斷罪施行

押運錢糧官例大德元年十月湖廣行省准 中書省咨御史臺呈河東道廉訪司申照得中書吏部奉 中書省劄付節該契勘

國家庶務全藉各路府州司縣辦集今知各路官司每遇差遣正官常是闕員其府州司縣官員因而亦懷苟且致有失悞公事都省議得今後府州司縣長官專一署事永不差遣等事承此詳切府州司縣掌管軍民差役一切事務責任非輕累蒙省部約束長官不得差遣捕盜官亦不得差沾今各路官司減裂元行每遇押運官物不分長次差遣遠者一年近者半年以上不得回還有終任三年計其

在職月日不及期年者以致妨奪治理民訟催辦錢糧政
事廢弛實由於此欲望責成斯以難矣且造作局院務平
准庫官俱有受

勅員數差發庫官亦受省部文憑各人前程家產敢不受重
今後合無令局院庫務官員行押送州縣差撥弓兵防送
亦不疎虞唯復止令州縣官接各防送度幾而不相妨官
民便益具呈照詳得此都省議得今後赴都送納官物除
各路府州司縣達魯花赤長官捕盜官辦課官不得差佔
外其餘應合差使官員明置印押文簿通行標附遇有差
使自下而上輪差務要均平若但有看循不均正官取招

首領官嚴行治罪

州縣官伴送例大德四年湖廣行省劄付准 中書省咨

戶部呈奉省判刑部侍郎呈欽費

詔書前去福建等路開讀問民疾苦等事欽此據衢州路備
常山縣申福建等處起運海外諸番

進呈寶物諸色綱運自有長押官將引庫官庫子人等親行
管押經過州縣又有鎮守軍官頭目將引軍人弓兵相訟
交割接各護送其長押官到縣勒要正官伴送本縣路當
驛程迎接祇待

上位官買支持忙併長押官多方刁蹬將官典司吏取招打

罵圖求賄賂若稍不從便行拖扯凌辱以致本縣常時閩
官妨廢公務得此照得常山縣路當驛程南連閩廣海外
諸番北接京都衝要去處本縣官三員專一往來遞送不
敷卑職忝詳既有長押官員經過縣分止合應何防送弓
兵伴送正官擬合革去相應批奉 都堂鈞旨送戶部議
擬施行奉此本部議得江南起運錢物既有元差長押官
員各處又有防護軍官人等其州縣正官合依所擬革去
相應具呈照詳得此都省准呈咨請依上施行

正官押運事理大德四年十月湖廣行省劄付准 中書
省咨御史臺呈准行臺咨據監察御史呈為在職官員提

調錢糧造作雜泛差使又有押運物貨前去大都往回萬
里動輒一年糜費盤纏使廉者典錢做債貪婪者百端擾
民未便行省自有宣慰司自有奏差可任諸雜泛差使之
責呈乞照詳又據浙東道廉訪司申為為前事咨請照詳
准此本臺具呈照詳施行得此都省議得行省今後應合
起運赴都諸物當該提調正官與所委押運官點同點驗
足備如法打角除金銀寶鈔精細物貨絲綿帛疋依例輪
流差遣州縣以次官宣使管押其餘木棉土布造作等項
麗重物件止差宣使將引元經手并庫子人等解納外據
諸項軍器須差色目官員與局官押運其常課緞疋亦差

宣使與局官起納却不得因而別差無俸及求仕人等押
運咨請依上施行
餘條見驛站押運類

追徵

格前克落錢糧稟例至大元年行臺准 御史臺咨承奉
中書省劄付來呈稟議內一款都省仰照驗施行

一已闕出倉庫合給散軍匠口糧物料衣裝賞錢窮暴
錢竈戶工本和買物價和僱脚力外降官錢百姓
出過首思馬足草料等錢其有侵借克落除冒名
支請除事發到官已承伏者罪遇原免錢物合無
徵給未承伏者合無追理刑部照得大德五年五
月十二日大德六年六月二十九日承奉中書省
劄付御史臺呈定奪上項事理蒙都省議得人匠

口糧軍人口糧窮暴賞錢如已闕出倉庫官吏人等侵欺全米給散者罪經釋免依例追給給散中間克落之後彼此通知非同取受

格前已有承伏追徵給主未經承伏欽依革撥今來本部再行議得已闕出倉庫合給散軍匠口糧物料錢衣裝賞錢窮暴錢竈戶工本和買物價和僱腳錢外官降百姓出過首思馬足草料等錢俱係各主合得錢物難作比同取受其有侵欺借貸克除冒名支請事發到官已未承伏者罪擬原免錢物擬合徵給各主今後合無各依全例施行本部議得九

已闕出庫應合給散諸人錢物監臨主守官吏人等侵欺克除者若已承伏罪經原免依例追給未承伏者革撥相應

前件議得已闕出倉庫合給散軍匠等口糧物料衣裝等錢官吏人等侵欺全未給散者罪經釋免依例追給給散中間克除之數已有承伏追徵給主未承伏者欽依革撥

格後追徵錢糧稟例至大元年行臺准 御史臺咨承奉中書省劄付來呈稟議內一款都省仰照驗施行

一侵欺盜用移易借貸失陷短少冒支係官錢糧已未

發覺合無追徵刑部照得大德五年五月十二日大德六年六月二十九日承奉中書省劄付御史臺呈俱為此事送本部照擬得侵欺盜用移易借貸冒支係官錢糧欽遇

詔赦做好事疎放既係官物已未承伏者例俱合追理又短少係官錢糧本部議得倉庫人等所管錢糧其金銀錢帛如不係侵使移借何以短少中間謂有不足之數擬合着當該人等依數賠納外據糧斛若有短少數目合行取問短少緣故明白臨事定奪若欽遇疎放罪經原免應合依上追理都省議得侵欺移易借

貸冒支錢糧謂已到倉庫并係官正數除准部擬奉此今承見奉亦合依上施行外據失陷之數擬合臨事照勘區處今次若有侵欺盜用移易借貸并冒支係官錢糧除無可徵准折不敷之數欽依

詔條施行外如可徵者合無依上例追理失陷短少雖經體覆若無明白顯跡合無依例追徵本部議得應監臨主守人等侵欺盜用移易借貸外冒支係官錢糧者罪免其已未承伏之數俱合欽依追理外據失陷短少者若無明白顯跡合准御史臺所擬追徵相應前件議得應監臨主守人等侵欺盜用移易借貸并冒

支係官錢糧謂已到官倉庫并係官正數其罪雖經原免已未承伏之數俱合追理無可徵者依例准折不敷之數欽依釋免失陷短少如無明白顯跡臨事照勘區處

免徵

百姓拖欠錢糧聽候御史臺呈尚書省劄付至元二十四年五月十二日

奏過事內一件前界伴當每管着時分積年官吏百姓拖欠的錢糧多有侵欺了的也有俺商量來百姓拖欠的這其間裡且不追徵聽候官吏拖欠侵欺錢物教數徵呵怎生奏呵那般者麼道

聖旨了也欽此已經通行照會欽依施行外都省議得百姓拖欠錢糧欽依

聖恩聽候切恐各處官吏勾當人等因而作弊將自己拖欠侵

欺錢物詭名妄作百姓欠少住徵深為未便若有百姓拖欠錢物已徵在主典手者依數納官承此

免徵錢糧體例元貞二年四月行省准中書咨據所委官等呈近欽奉

聖旨節文元貞元年五月初八日已前係官錢糧侵使來的短少的拖欠的取受的但有合追賠的舊錢糧住罷者體尋者欽此近奉差委大同取問宣慰司各倉五月初八日已後短少糧斛因事追問出大同前和糴倉監納劉希祖等五月初八日已前侵使盜少糧一萬八千金石事發未曾追徵欽遇釋免於劉希祖名下追到諸人轉借米粘子該

米五千餘石及平地縣舊界倉官火者等供報諸人借吃本倉已免官糧四千七百餘石俱有各人元借文票却將所盜官錢轉為私債暗行取索甚者及有倒換作二月初八日已後新借文契俱填權要豪勢之家計構有司追徵具呈照詳得此送戶部議得倉庫官侵盜失陷短少錢糧既已欽遇

聖恩釋免其見收諸人借欠錢糧文帖如委係已免係官錢糧數內依准省所委官擬一體革撥相應具呈照詳都省准呈

舊錢糧休追中書省劄付至大三年十二月二十二日奏

在先

世祖皇帝登寶位時分將

蒙哥皇帝時分拖下的錢糧不交追徵住罷了來後頭

完澤禿皇帝登寶位呵將

世祖皇帝時分拖下的錢糧追徵呵為百姓生受的上頭完澤禿皇帝時分拖下的錢糧交中書省官人每提調着奉

丞相為頭省官人每奏了不交追徵都住罷了來如今將

聖旨追徵有可憐見呵依在先俸例自

完澤禿皇帝以來中書省裏應合追的舊錢糧交住罷了百姓也不生受

皇帝根底也得福的一般有麼道奏呵是也依在先體例中書

省裏提調着應合追徵的舊錢糧等都體交追徵者以及

斯年交行文書都交免放了者麼道

聖旨了也欽此

雜例

察出米糧支與軍食至元十八年七月 御史臺准行臺
咨各道案察司追到官見在糧斛誠恐汜變請定奪事准
此至元十八年六月初七日

皇太子根的本臺官每當面

啟相威奏將來按察司察出來的糧有四萬八千餘石那裏
田地下濕經夏爛了的一般就支與那裏軍每喫了呵怎
生

啟呵奉

令旨

上頭奏者敬此六月十二日本臺官

奏相成奏將來按察司察出來的糧有四萬八千餘石那田
地下濕經夏爛了的一般就支與那裏軍每喫了呵怎生
奏呵那般者麼道

聖旨了也欽此

察出來馬牛米糧教賣做鈔至元二十三年六月行御史

臺咨該至元二十三年五月初八日

奏過一件這裏察出來的馬牛

上位奏過秃秃哈根前分付有外頭有的按察司察出來的
馬牛米穀怕動着呵頭口每死了有米也絕爛了有麼道

如今對着管民官教做證見賣做鈔送將這裏來怎生奏
呵奉

聖旨那般者欽此

禁約下鄉銷糧鈔至元二十四年五月 福建行省准

本省參知政事魏奉國咨該臣體知得各處州縣司吏鄉
司人等遮年以來每遇節朔科歛追節錢物不少無由而
行以徵糧為名各分都保給引催徵或戶名爭差或升合
懸欠或自鈔在佃家之家未及取回或元無苗額妄行飛
射一勾到官便即枷禁決撻恣意騙脅以供餽節之費民
戶驚怕不得安居緣各處人戶送納苗根將所納糧數獲

到官鈔已赴合屬州縣銷照自有明白數目合行下各路禁約司縣官吏人等今後毋得假此名色差人下鄉如中間委有合欠米數厘勒司縣承催鄉司驗數慎納並不許妄說就人戶名下亂行勾徵騙擾以望徵官糧有歸庶革前弊人戶亦得安心住坐咨請照驗施行

禁取要納事錢至元二十九年江西行省據龍興路申准廣訪司牒該副使牒江西行省所轄一十二路內江州係下路上年商稅酒務恢辦課程其各務多取用錢供指江州大盈庫官因解課程收要納事兩鈔其經官轉打江西行省典吏并省庫及江西運司庫子人等取要鈔數別行

外其餘路分即係一體省庫取受一分各路取至十倍行下效舊弊米除照得官司起解錢物自有應副腳力分例若不行移改正誠恐擾民牒請施行准此申乞施行除外仰禁治施行

變賣官物至大三年四月行省准 中書省咨御史臺備監察御史呈照得出河南行省文卷一宗內一件大德十一年七月十七日安寧府申解到賊人弃下馬七疋發下汴梁路吏賣作鈔解省四疋本府申馬七疋賣到鈔一十八疋三十八兩內高平章宅買馬四疋崔叅政宅買馬三疋照得馬價多者每疋不過三疋少者一定之上校之市

價至甚虧官其有司估體不實本省官不應收買事在革前似此虧官若不禁革深為未便叅詳今後凡賣官物須令有司估體時直別無高擡少估再令不干碍官司重行覆實相應方許貨賣聽從百姓交易其見任官吏不得收買違者究治度望少革奸弊具呈照詳送據刑部呈叅詳今後諸衙門凡有變賣官物合准監察御史所據從實估價聽從百姓交易見任官吏不得收買誠為允當具呈照詳都省准擬

別里哥索錢糧至大三年八月江西行省准 尚書省咨至大三年四月初二日奏中都留守目官人每說有請請

錢糧是大勾當有如今諸衙門應索錢物諸物無奏奉聖旨又無尚書省文字口傳言語白文字別里哥行着要有俺不與呵怕有與呵干碍着錢糧大體例俺也怕有

奏呵奉

聖旨今後諸衙門但要索錢糧沒明白印信文書呵體與麼道聖旨了也欽此

鈔校書籍

